


AE S T V S

MARIS NON

A LVNA SOLA DE- PENDET.

TVirgida caelestis postquam pater æquora fudit,
Iussit & incerto circundare littora cursu:
Tum primum immensum, Phæbe, tua numina sensit
A Equor, & alternis implevit vicibus orbem.
Nectua sola tamen tremulis dominatur in vndis
Vis geminata, tenens punctum media inter Eoum
Meridiemq; viâ: sed ab æquore Phæbus alentes
Haurit aquas, latumque facit turgescere pontum.
Sæpe etiam igniferum tincturus in æquore currum
Titan, ab occasu spatio propiore receptus:
Ne nimium tumidis tardentur fluctibus orbes,
A Equora lunares placat metuentia vires.
Sic cum, Phæbe, voles rabidos mare continet æstus:
Cumque voles rigui pulsant sua littora fluctus.
Nec non & rapidis agitatur in æquore ventis
Vnda per angustas lambens decliua ripas.
Nam pater his mulcere dedit tumida æquora summus,
Fulgidaque altisonos ad sydera tollere fluctus:
Aspicit inualido veluti cum lumine terras
Obliquas Phæbus, nec iisdem æstuat horis,
Nec semper parili turgescit tempore pontus;
Sic venti, sic sphaera suo moderamine vastum
Oceanum regit, ac vinclis & carcere frænâ.
Sôlque indignantes magno cum murmure fluctus
Imperio premit, & flexis moderatur habenis.
Adde quod insignes passim dent æquora fluxus,
Tempora cum spatiis quadrent nocturna diurnis.
Ergo vbi sol, venti, decliua, sphaera, planetæ
Tot poterint fluctus dare nunc, nunc demere, Luna
Non sola æquoreos fluxus mouet atque refluxus.



ROMANORUM

RESP. PER ANNOS 400. SIM- plex Democratia fuit.

VT primum occubuit contemptor Amulius æqui,
Perdidit, & fratres quas rapuisset, opes:
Paruula Martigenam capiebat Roma Quirinum,
Qui rexit valida fræna nouella manu.
Proximus huic (prorum namq; ille per æera lapsus
Supremâ magni constitit arce Iouis.)
Rex Numa: qui postquam regnumq; æuumq; peregit,
Tertius à primo principe Tullus erat.
Inde Quirinalis decor est translatus ad Ancum, &
Post multos Priscum venit ad usque gradus.
Sed Priscus tandem tenebrosa in Tartara cessit,
Seruius Iliacis præficiturq; focis.
Ultima crudelis possidet regna superbus,
Qui tulit indigno vimq; metumq; toro.
Tunc regni species tenues effugit in auras,
Atq; fuit regnis illa suprema dies.
Regibus exactis, Romanæ gentis habenas
Consul, sed populi voce creatus, habet.
Hic status Ansoniæ gentis, dum cornibus annam
Ter decies denum Luna replebat, erat.
Post, ut Roma potens tercenta Palilia vidit,
Imperiumq; decem sustulit omne viris;
Concessere patres: quadringentosq; per annos
Maiestas populi solius omnis erat.
Hunc penes Iliacæ stabilis custodia gentis,
Et ius vertendi Cardinis omne fuit.
Curia quid potuit paribus stipata verendis?
Cuncta leuat populus vulnera, cuncta facit
Deprimis, attollit, vitam modò dat, modò demis,
Illius arbitrio cum rece visa redit.
Diruit, edificat, sanctum facit omne, profanat:
Ex hoc omnis honos, hoc sine nullus honos.
Quam vult cumq; creat legem, quamcumq; refigit:
Vox populi verso pollice, nulla valet.
Ergo libertas, mors, ius, pax, fœdera, bella,
Cum remanent populi clausa patentq; manu:
Romulæ gentis popularem, Regibus actis,
Quis dubitet, centum lustra fuisse stat uno?